

Dos öß doch. Daber 's wor doch no wos Angersch:
Dar Oberinschenier dar hoatt' a Harze,
Dos ne vo Steen wor, sundern weech und worm.
E prüfte Dalleś, nahm de gruß'n Pläne
Und „Faber, Nummer 3“ und wiſcht und zog
Und ſchrieb d'rnoo off Überlausitzisch
A Böſſel lächelnd: „Resolution:
„Dan App'lboom dan loft ač ömmer ſtih;“
„De Bahñ mag öß a Böſſ'l¹⁾ linksrum gihn!“.

Joh. Freih. v. Wagner.
(Joh. Renatus.)

's Murgenlied.

'S war a guttsferchtg Weibſen, de ahle Rägine, und arbeitſen, wie ſe hoite ſelten ſein. Ihr Brud hot ſe ſich rädlīch verdient und in Aſſen woarsche no ſiehre wählrsch: Neppelpritschel un Bottermilch vafze durch'nander, wenns Nuth hotte goar aus en Toppe. Abersch befoam er. An Meesten fert'ch²⁾ mich, wenn ſe gahnte, do funnē man er bes oans Zappel³⁾ fahn und hier'n funnt mersch bes bei Klenekels Plumpe. S' woar anne Windsche⁴⁾ un do dermet a Böſſel ſiehre grobb, ader grundihrlīch, ſe hätte Niemand'n anne Steckenodel genummen.

De Streichhälzel worn dozemol no ne Mode. Woas de Bürnahmern woaren, die hotten a Dunkfoierzoig, ader Rägine hotte a Poar Nappel⁵⁾ vun zerschloinen⁶⁾ Töppen, derzwischen loag Zunder aus ahlen Loappen gebrahnt und uff'n äbern Schorbe a Stohl und a Foierſten. Wenn ſe nu uffſtand un Foier machen wullte, do pindſe mit Stohl un, Sten iber dan Zunder, doaß de Funken ſchpriehten, bes'ch ener im Zunder fink, derno noahm ſe a Schwafehälzel un bliß, bes brahnte, un derno dröckte ſe wieder mit'n äbern Nappel dan Zunder in untern Nappel aus. Bei dan Foierschloin ader foang ſe emmer ihr Murgenlied, zum Beischipl: „Aus meines Harzens Grunde.“ Wenn nu a Funken fink, do mußte ſe blaſen un funnē ne ſingen. Loaſch'e⁷⁾ aus, do foang ſe derno weiter, wullte ader fener fangen, do woar ſe odersch⁸⁾ un reſenirte: „pff, pff, i du Schinderzoig“

¹⁾ ein wenig. ²⁾ fürchtete ich. ³⁾ Zäpfchen. ⁴⁾ eine Wendin.
⁵⁾ Näpfchen. ⁶⁾ zerschlagnen. ⁷⁾ löschte er. ⁸⁾ zornig, böſe.